

Советск речникүд китд- иньгүдиннь ам харслгънд орлцв

СЕМИПАЛАТИНСК, июлин 29. (ТАСС). Халун билә. КИТАЙСК Народн Республикд Советск речникүд ачлгъ күргдг Хар Иртыш гол ик темдгтәгъяр хәәрдв. Генткн орчлнъ хүврәд, огътргъугъин дуута-цәкллгътә догшн галв болв. Нег часин эргцд Бурчум гол энъгәсн давдж деврәд, усн делгү гүүв. Күс-дундур метр гүүнәр гүүджәх хурин усн Хар Иртышүр орв.

Эн заамд Китдин Бурчум пристаньд „Свер“ гидг керм зогсдадж. Ор цәәдж йовтл керм деерк маначнр пристнүр гүүлддж йовх улс үзцхәв, бәәрн газрин йосна представительмүд дөнъ сурхар адгълддж йовцхадж. Бурчум гол деер хойр онъгъц айулла харгълж түрдж йовдж, онъгъцс деернъ йовсн улснъ өөмдж чадлг уга бәәцхәдж. Советск речникүд цаг түдл уга, айулла хар-

гъдж йовсн онъгъцур одцхана. Болв керм өөдән, усна өмнәс гарч чадсн уга. Паромин болд аргъмдж хаалгъд харшлт болна. Айулла харгъсн улсиг хәәхин төлә Головин командиртә моторта онъгъц йовулгдна. Ик галв салькта догшн хур асхрджатл, онъгъцин экипаж гурвн часин туршар, айулла харгъдж йовсн улсиг айулас харсдж. Цуг китд улс айулас амд авгддж.

Элдв баатр үүлдвр үзүлснъ моторист Тимофеев, хәәвчнр Иванов болн Сазанов. Онъгъц ордж гарч чадшго газрт тедн өөмәд, бийсинъ нургъндан үүрәд, ухагъан геедж йовсн улсиг амд авч гарцхадж.

Бәәрн газрин йосна представительмүд болн айулас амд гарсн Бурчумин улс цугъар советск речникүдт үнн чик седкләрн ханлт өргцхәдж.